

TE KURA KAUPAPA MĀORI O WAIRARAPA

TE PŪTĀTARA



TĒNĀ KOUTOU E TE WHĀNAU

Nau mai hoki mai ki to tātou mōheni tuatahi mō te tau 2022. Kaua e wareware ki te tītiro ki te whārangi pukamatā hoki mō ngā pānui o ia rā, ia wiki anō hoki.

pg.3	HE KŌRERO NĀ TE TUMUAKI
pg.4	TE AHO MATUA
pg.5	HE PĀNUI
pg.6	NGĀ UARATANGA
pg.7-9	<u>NGĀ AKOMANGA:</u>
	KURA NOHINOHI 7
	KURA TEINA 8
	KURA WAENGA 9
	WHAREKURA 10-11
pg.12	HĀKINAKINA
pg.13	TUTAKI KAIAKO
pg.14	KOWHEORI-19



HE KŌRERO NĀ TE TUMUAKI

Tēnā rā koutou me ngā mihi mahana ki te katoa. Nau mai ki tā tātou mōheni tuatahi mō te tau 2022. E rua ngā putanga o te mōheni i ia wāhanga, ā, kei ia mōheni he kohinga whakaaro, he kohinga whakaahua e whakanui ana i a tātou tamariki.

Heoi, e tika ana te whakamihi, te whakamiha, te whakanui i a tātou Tau 12 me a rātou huanga NCEA nō te tau kātahi anō ka hipa. Ko te whāinga nui mā rātou i tērā tau ko te NCEA Kaupae 1, engari ko tā rātou e eke panuku ki te Taumata 2 anō hoki! Tau kē te mahi a ngā tauira nei, waihoki a o rātou kaiako. Ka nui te mihi ki a Judith rātou ko Kawana, ko Matariki, ko Tommy, ko Kaia, ko Hinewhakaruhakiiterangi. Kua pohi kereru mātou i a koutou.



Kua mutu te mahi a matua Ben ki te whakarite i ngā papa maara mō te maara hou me te hanga anō hoki i te atamira ki waenga i ngā papa maara. Hei a te ahiahi nei ka whakatōngia he tipu ki ngā papa maara. Kia tipu ake ngā kai, ka hauhake, ā, ka tunua hei kai mā te katoa.



What is Te Aho Matua?

Te Aho Matua is the foundation document and driving force for Kura Kaupapa Māori. It lays down the principles by which Kura Kaupapa Māori identify themselves as a unified group committed to a unique schooling system which we regard as being vital to the education of our tamariki.

Te Aho Matua provides policy guidelines for parents, teachers and Boards of Trustees in their respective roles and responsibilities.

Te Aho Matua has six sections:

- 1. Te Ira Tangata (the human essence)**, affirms the nature of the child as a human being with spiritual, physical and emotional requirements.
- 2. Te Reo (the language)**, deals with language policy and how the schools can best advance the language learning of their children.
- 3. Ngā Iwi (the people)**, focuses on the social agencies which influence the development of children, in short, all those people with whom they interact as they make sense of their world and find their rightful place within it.
- 4. Te Ao (the world)**, deals with the world which surrounds children and about which there are fundamental truths which affect their lives
- 5. Āhuatanga Ako (circumstances of learning)**, provides for every aspect of learning which the whānau feel is important for their children, as well as the requirements of the national curriculum
- 6. Ngā Tino Uaratanga (essential values)**, focuses on what the outcome might be for children who graduate from Kura Kaupapa Māori and defines the characteristics which Kura Kaupapa Māori aim to develop in their children.



"Ruia te taitea, kohia te rangiura"

PĀNUI

Kia ora whānau.

Please don't forget to keep in contact with whaea Te Paea about your bus needs and any day to day changes for your tamariki, ngā mihi.



SWIMMING

We're so lucky to have a school pool unlike many other schools, so please continue to send your child's swimming togs to kura each day.



If you are not yet connected to our Facebook page, please jump on and join up!

TE KURA KAUPAPA MAORI
O WAIRARAPA WHARANGI
PUKA MATĀ

NGĀ UARRATANGA



KURA NOHINOHI

TĒNĀ RAWA TĀTOU, NGĀ MIHI O TE TAU HOU PĀKEHA KI A KOUTOU KATOA.

KA TİKA ME MIHI KI NGĀ POU WHAKAHAEERE O TE KURA NEI, NGĀ KAIAKO, KI ĖNEI PĪ O TĀTOU, OTIRĀ KI A KOUTOU KO NGĀ MATUA, NGĀ WHAEA, NGĀ KUIA, NGĀ KOROUA ME TE WHĀNAU WHĀNUI.

KEI TE KARANGA TUAHINE, KEI TE KARANGA WHAEA, E HUBBA. KOIA TĒNEI KO TE TAI O MATIHERE E PAPAKI TAHİ NEI KI NGĀ TAI O MIHI, KI A KOE. KO KOE TONU KEI TE MATAMATA O NGĀ WHAKAARO O ĀU TAMARIKI, O ĀU HOA MAHI KI KONEI, KI TE KURA KAUPAPA MĀORI O WAIRARAPA.

AHAKOA NGĀ PĒHITANGA O TE WĀ, KUA WHAI HUARAHİ PAI TĀTOU KIA HIKINA TĒNEI MĀNUKA O TE MĀTAURANGA. KUA WHAKAHONOHONO PAI A KOUTOU TAMARIKI KI NGĀ KAIAKO HOU A MĀUA KO WHAEA TAHİ. KUA WHAI WĀ KI TE TĀKARO TAHİ KI A RĀTOU HOA. KUA WHAI WĀ KI TE KAUCAU. KUA WHAI WĀ HOKI KI TE WHAI I NGĀ MĀTAURANGA A KUI MĀ, A KORO MĀ.

KO TE TUMANAKO, HE MAHA NGĀ HUA KA PUTA I TE TAU NEI. TAMAITI ĀKONA KI TE KURA KAUPAPA, TŪ ANA KI TE AO. TAU ANA!



Nā Whaea Te Arani rāua ko Whaea Tahī

KURA TEINA

Ngā mihi o te tau hou pākeha e te whānau whānui. Nau mai hoki mai te katoa ki tō tātou nei kura. Ko te manako i tūtuki pai ngā hararei ā-whānau, ā-iwi rānei. Tuatahi, me mihi ki a tika ki tō mātou kaiako hou, ā whaea Pirihiira. Ki a Monika me tōna whānau mai te rohe pōtae o Tuhoe ki Whakatane. Ōtira, ki ngā ākonga tau rua mai te akomanga o Kura nohinohi. Nau mai tauti mai te katoa ki te akomanga o Kura Teina.

Mō ēnei wiki kua pāhure, kua nohotahi te akomanga ki te mahi tahi, te mahi whakawhāngatanga, te mahi tuakana me ngā teina. Mā te mahi tahi, ka mōhio, mā te aroha whakatō he aroha puta mai.

Kei te ako hoki mātou ki te pūrakau o te wehenga o Ranginui rāua ko Papatūānuku. Rawe ki ngā tamariki te mahi toi, te tito waiata, te mahi whakaari hoki.



Te Taenga mai o ngā waka

Ko tā mātou kaupapa ako i tēnei wāhangā ko te titiro ki te whakatauki nei 'whatungarongaro te targata, toitū te whenua. Nō reira kua tirohia e mātou ētahi kōrero e pā ana ki te Tiriti o Waitangi me ūna āhuatanga i pā ki te Māori. I waihangatia e ngā tamariki tētahi tiriti mō te akomanga. Mīharo!

I tēnei wā ka hoki whakamuri mātou ki te rangahau i ngā waka i tae mai ki Aotearoa nei me ngā wāhi i tau ai ēnei waka. I kimi kōrero hoki mātou mō ngā rangatira o aua waka. Kei te ako hoki mātou i tētahi waiata e pā ana ki ngā waka i hoea mai i Hawaiki pāmamao.



Hei te wiki tuawaru o tēnei wāhangā kei te whakaritea he haerenga ki Ngāwi kia kite ai ngā tamariki i te rā o te waka o Kupe. He rawe ki nga tamariki te hanga taonga me te mahi ā-rōpū ki te kimi kōrero

**Aromea me Te Kaha
e whakaatu ana i a
rāua waka**

WHAREKURA

Ko Te Aho Matua te tāihu o tōku kura
Ko ngā tikanga ngā heke
Ko te whānau ngā poupou

Ahuatanga Ako

5.1 Ko ngā ahuatanga ako katoa he mea mahi i roto i te koanga ngakau, me te whakaihiihi hinengaro.

He nui ngā mahi kei mua i te aroaro i tēnei wāhanga ako ki ngā ākonga wharekura. He mahi rangahau, he tito waiata, he kapa haka, he tuhi whaikōrero, he whakawhana ētahi o ngā mahi ki tēnei akomanga. E kī ana te kōrero "Tamaiti akona ki te Kura kaupapa, tu ana ki te Ao" āe, e mīharo ana ki ngā kaupapa e taea ana ēnei ākonga te hono atu ki a tū rangatira ki roto i tēnei Ao!



Hauora

Tuakiri

Ko ia ko te āhua o te tangata e Kore e kite mā te tiro noa engari mā te noho tahi ki te whakarongo kia tino mōhio ki tētahi atu.



Whanaungatanga

Ko te kōrero, ko te mahi tahi, ko te mārama ki tōu huinga, ko ia ko te whakawhānuitanga o te whānau

Mauri ora

Taha hinengaro, taha tinana, taha wairua, taha whānau. Kia mauri ora me aro ki ngā taha katoa o te tangata.

Kaitiakitanga

He toro ki te whenua ki ngā wai awa, roto, moana hoki, kia manaaki mō ngā uri whakaheke



TKKMOW HĀKINAKINA

**Te Kura Kaupapa Māori o Wairarapa
Kura Tuatahi Tau 1-8**

Ka nui te aroha ki o tātou tamariki i tēnei wāhanga. Nā te mate urutā, kua whakakorengia te nuinga o ngā mahi hākinakina mō ngā tamariki nei.

Heoi anō kua whakaaetia e te kōmiti poitarawhiti ki a haere tonu ngā mahi mō te poitarawhiti mō ngā tau 1-4.

A te Poutu-Te-Rangi, ka whakamōhio mai e te kura o Lakeview mēna ka haere tonu te whakataetae Tapu Āe mō ngā tau 3 me te 4. Ka tū tēnei a te 07/04/2022.



Jutaki

TE KAIAKO...

**ANGELA-LEIA
(BUBBA)
CASHA**



*Ka tū au ki te karamatamata o Tararua
E rere nei ngā wai ahuahu o Waiōhine
Hōkai whakararo ki te waka o Tākitimu
Ka noho rā au ki te āhuru mōwai o te
marae o Pāpawai*

**Tiro atu ki te hapū o Ngāti Kahukura-ā-whitia
Nei rā te uri whakaheke o Ngāti Kahungunu
E mihi ana, e mihi ana, e mihi ana e!**

Ko Bubba taku ingoa, kua noho tēnei ingoa ki au mai i taku tamarikitanga, ā, ka noho ki au mō ake tonu atu. Ko Chris taku hoa rangatira. Nō te motu o Malta ia, pātata taua wahi ki Sicily. E toru ā māua tamariki ko Charlie he ākonga wharekura, ko Melita kei kura waenga ko Rākai Pomare kei kura nohinohi. Kua noho pūmau mātou te whānau Casha ki roto i te kaupapa o te kōhangā reo tae atu ki te Kura Kaupapa Māori. He raukura ahau nō Te Kura Kaupapa Māori o Wairarapa, nōku te hōnore ki te hoki mai ki taku kura hei kaiako. E 8 tau au e mahi ana ki te kura nei. I tīmata au ki kura teina, ā, ināianei kei te wharekura au, ā, nōku te maringa nui ki te noho mai ki tēnei o ngā akomanga.


6.12 Kia tū pakari, tū rangatira hei raukura mō tōna iwi.



COVID-19: Who do I need to contact and should I keep my child at home



Here is a flowchart that will help you understand what you need to do - any questions please get in touch with the Tari or Pip.



TKKM o Wairarapa
06 3772210
tari@kkmow.school.nz
primene@kkmow.school.nz